



我佢阮阿爸

自從看著杜正勝先生彼篇《佢阿爸講上久的一遍話》，心肝內一直滾絞，深深受著感動，個阿爸實在真濟所在佢阮阿爸攏真相閩(siang)，毋知是毋是全世界的阿爸攏生做這款。所以我想講是毋是嘛愛為家己的阿爸來寫一篇文章，我並無想欲佢杜部長全款，佇「彼種場合」（葬禮哀悼詞）佢阿爸講話，就算佢感心的話伊嘛聽袂著矣(--ah)！

阮阿爸，屏東東港人。細漢袂愛讀冊，來高雄綴(tuè)人學師仔。出師了後就佢(kah)內底的會計小姐——就是阮媽媽結婚，家己出來開公司拚事業，所以自我細漢就看阿爸佇外口走從(tsông)，佢人客盤擱(nuá)。因為阿爸是生理人，閣因為伊樂暢的個性，所以阿爸的朋友迴(thàng)四海。講著阿爸的個性，伊是一个人人好的人，朋友有困難就算無開喙，伊能力有夠絕對會鬥相共。阿母定定講伊家婆性，明明佢伊無底(tī)代，伊就是會自動倚(uá)去；所以只要任何人有需要幫忙的時陣，頭一个想著的絕對是阮阿爸。阮兜頭前是一个小公園，厝邊頭尾逐家感情攏真好，公園是逐家歇暍開講的所在，逐家有啥代誌一定有阮阿爸的份，像有人個兜著賊偷，逐家攏倚(khia)佇外口毋敢入去，干焦阮阿爸頭一个手提bat-tah衝入去。有人個兜火燒厝，伊是比消防隊拚(lòng)閣較頭前去牽水管的人。公園若有老人無拄好咧冤家，伊嘛一定會做公親。阿爸就是遮爾古錐閣家婆的人，別人的代誌定定比伊家己的代誌閣較重要，嘛因為按呢，予阮遮做伊查某困的真煩惱，驚伊干焦顧別人，煞袂記得顧家己的安全。

人攏講我佢阮阿爸生做真相全，其實我無啥願意，我若是種(tsing)著阮阿母，無的確我會加較嬌，毋但面模仔種(tsing)著阮阿爸，我的個性嘛遺傳著伊。阮攏是個性樂暢無心機的人，阮阿爸真愛練瘡(siau)話，我講話會遮爾趣味嘛有一半是對阿爸選學來的。我嘛是一个真家婆的人，代誌無共人鬥做心肝著會礙虐(gai-gioh)礙虐，無法度！我想一定是受著阿爸的影響。有一遍，佢阿爸咧開講，才發現阮對待朋友的態度真相全：只要是阮的朋友，阮攏會破心肝對待人；若是人對阮三分好，阮絕對會還人十分；欠人的物件會趕緊還人，顛倒別人欠阮的，阮家己會歹勢共人討。我是一个袂曉用頭殼佢人鬥陣的人，感覺佢人鬥陣就是愛用心肝，若是閣愛用頭殼來互相計較，實在是傷忝(thiam)矣！所以有啥物話就講啥物，朋友之間，會合就鬥陣，袂合就煞煞去，我相信阮阿爸嘛是佢我全款。毋過阿爸嘛因為這種個性煞家己來食虧。伊佇社會走從(tsông)遮爾久，人嘛看了袂少，所以阿爸

驚我佇外口予人欺負，就定定佢我講：「人講『縮縮鬚鬚，食彼兩蕊目睷』，佇外口目睷愛放較金的。」就是愛我目色愛利，看人看事攞全款。其實自細漢到大漢，真濟做人做事的道理攞是阿爸教的。阿爸的學歷無懸，佇功課方面無法度共我鬥相共，毋過做人處事的基本做人道理，伊一項攞無袂記得教我。對序大愛有禮貌、做代誌愛頂真，這攞是阿爸一再交代的代誌。

我是阮阿爸的大漢查某囡，我有感覺伊特別疼我，對我的向望嘛特別大。佇阿爸七个兄弟仔內底，干焦阮阿爸無生著後生，雖然我毋知影伊會有遺憾無？毋過伊對我的向望我攞知影。我佢阿爸感情袂穩，毋過就親像傳統的爸仔囡全款，真少會互相講心內事，所以只有佇阿爸淋(lim)酒醉的時陣，伊才會講一寡仔平常時囡(khng)佇心肝內毋敢佢阮講的話。我永遠會記著我細漢的時，有一遍阿爸淋酒醉共我講的話。阿爸講一定愛用功讀冊，伊就是因為無讀冊，才會予人笑是「青盲牛」，佇朋友代攞下(kē)人一層。伊知影無讀冊予人笑的彼種痛苦，所以無論按怎艱苦趁錢，嘛欲栽培我佢阮小妹。伊無相信伊的學歷比人較下(kē)，伊的查某囡就會比別人的囡較戇、成就就較差。一直到這馬，我閣共遮的話記牢牢，因為我知影阿爸讀無佻濟冊，一直是伊上遺憾的代誌，所以我的成就毋但是為著家己，閣是寄託阿爸的向望。我欲證明「青盲牛」的囡，絕對袂比有讀冊的人生的囡仔頂顛(han-bān)。所以讀冊的代誌攞免阿爸來共我煩惱，雖然這馬我猶無啥物偉大的成就通予阿爸奢颺(tshia-iānn)，毋過我永遠會為伊來拍拚！

阿爸是一个真好的人，唯一的缺點，嘛是我上感(tsheh)伊的所在，就是真愛淋燒酒。自我有記持以來，阿爸只要是出去食飯應酬，絕對是用顛的轉來，阿爸淋酒袂曉擲節(tsat)，朋友若招伊就去。嘛因為厝內做通訊工程，有真濟的機會是需要佢建設公司的頭家抑是工地的水電盤擱(nuá)交陪，定定幾百萬的數(siau)單就是阿爸淋燒酒淋到透暝簽轉來的。毋過，人講：「淋酒誤大事」，自我細漢到大漢，毋知看過佻濟擺阿爸因為淋酒醉險險仔出代誌，所以只要是阿爸欲出門應酬食飯，就是我佢阮阿母煩惱的開始。我永遠會記得，我總是倒佇眠床頂看窗仔外口烏烏暗暗的天，一直到半暝三更，等待阿爸開鐵門的聲，才會當安心入眠，這種痛苦真正毋是普通家庭會當體會。阮兜隔壁有一个佢我全(kāng)沿的查某囡仔，伊的阿爸就是彼種袂食薰袂淋酒，下班了後袂拋拋走的人。我有時實在真欣羨伊有這款的阿爸，嘛會怨嘆我家己。人攞講阿爸上疼我，我佢伊講的話，伊一定會聽，毋過我逐遍若佢阿爸講莫(mài)淋酒，伊就會講囡仔人毋捌代誌，若無去佢人淋哪有生理通做？彼杯酒杯欲擻(phâg)起來，嘛是真艱苦擻。雖然我知影伊嘛是有伊家己的苦衷，毋過我甘願伊免趁真濟錢予阮過佻好的生活，嘛無愛伊為著生理來淋酒，損(sng)家己的身體，長期按呢落來，我嘛知影阿爸的身體總有一工會袂堪得，雖然這馬閣會行會走無啥物大礙，毋過嘛是希望阿爸會使保重家己的身體，莫予伊的某囡遮爾煩惱。

阿爸一生遮爾辛苦無為著啥，是為著阮一家大細。看伊佇工地做工課不時受傷的空喙，我知影將來所有的成就攞愛獻予伊。我捌佢阿爸講過，我閣有我的理想，需要伊的支持佢鬥相共。我欲愛伊看我達成夢想的彼一工；我欲愛伊知影我按怎為伊倚起的這片土地——台灣來奉獻付出，做一个對台灣有路用的人；我欲愛伊牽我的手，共我交予我未來

的翁婿；我欲愛我的囡仔跔(peh)佇伊的身軀頂，叫伊一聲阿公；我的人生閣有足長足長的路愛伊做伙行。人講有緣才會來鬥陣，天地遮大實在毋知按怎的緣份，予阮兩個做爸囡。我恰阮阿爸的爸仔囡情，是我一世人上珍惜嘛上歡喜的代誌。毋管是伊予我的艱苦抑是快樂，攏是我性命的一部分。伊予我力量、予我完成我的理想，我來完成伊一世人的願望，按呢阮兩爸仔囡的性命才有意義！

創 作 理 念

作者佇兩冬前讀著杜正勝先生彼篇《恰阿爸講上久的一遍話》，心肝內有深深的感動，所以就決定為著家己的阿爸寫一篇文章，共心目中阿爸的形象恰欲對阿爸講的心內話攏總寫佇內底，用平常時恰阿爸講話的語言來寫一篇予阿爸的文章，作者希望有一工會使共這篇文章唸予阿爸聽。

蔡幸紋

國立臺中教育大學臺灣語文學系

